

北帝曰下元生人受吾此道念吾神呪不得背子向午爾時座中大衆聞說傳度之法各各按經奉行

太上元始天尊說北帝伏魔神咒妙經卷第九

太上元始天尊說北帝伏魔神咒妙經卷第十

神兵護國品

北方黑帝玄德天君爾時在淵泉世界有海國土玉壘山中神丘之上定水池邊蒞鞋樹下與諸眷屬侍座童子玄冥真人如斯集會無鞅數衆一日三時願念燒香散花然燈虔仰修齋讚歎自然供養隨所自通應心具足如是精進千有餘載功業未圓誓願不退開救護之秘訣演醮謝之玄科安國寧家濟度幽顯告諸將來真子依法修行自獲真道

北帝曰作吾要法皆須醮祭都太吏一切靈官以効功賞當立七元壇燃燈捨香異湯五果隨國供養以銀錢淨水令得豐足入壇啓事祝香勅神上請

三十二天帝君十極真人仙官玉女三界丈人十大威力魔王八景大神三十六洞天君飛龍騎吏妙行真人三天丈人十極真仙騎吏素車白馬真君三清至真陰景飛雷電吏天丁力士三氣大將軍高麾五湖大將軍

豁落北斗七元大將軍衛靈大神巨獸毒龍騎吏北方大力飛天鬼衆三五大將軍三師門下吏兵天蓬殺童飛天鈎索騎吏太上真神天丁力士天騶甲卒南斗殺鬼使者北斗炎爐科車神吏曠野大神八景神王五嶽四瀆溪澗大神土地主者青腰玉女太和玉女各領部落百千萬衆降臨壇所排班列位受今供養

北帝曰北極世界五氣玄天洞陰朔單鬱絕之國太陰五氣五靈玄老黑帝靈君助治玄滋天君太上靈君侍真行氣降生太玄夜光玉女北極世界太虛太華海中北鬱羅山脚下洞陰境天國主者太陰水帝君助治東斗斗中生氣君西斗斗中生形君南斗斗中司禁君北斗斗中司命君下吏九令主者五嶽府君二十四治陰官二十四治陽官河海掾吏丘陵溪澗主者無鞅數衆六天惡鬼以為侍衛左右列三十六獄七祖九玄孤魂苦爽若弟子醮祭之時召請並來入座
北帝曰太陰洞外左右三官生死追呼要司

主者天官地官水官鄴都山六洞官陰府六曹主者魔王小吏三十六萬人主人間行百病迷亂生人所司請降壇外而坐

北帝曰北帝神呪大將軍勅水大將軍平天大將軍勅火大將軍勅病大將軍禁鬼大將軍勅

軍勅毒大將軍勅破廟大將軍勅船大將軍元陽大將軍禁病大將軍禁蛇蟲大將軍破泉大將軍禁狼虎大將軍博戲大將軍勅石大將軍勅刀大將軍却力大將軍若有賞禮之時啓召降臨並入中壇而坐

北帝曰第一魁星第二魁星第三魁星第四魁星第五魁星第六魁星第七魁星等七星君北斗中諸部延壽扶命君斗中諸部斷邪殺鬼王斗中諸部度厄益算王童斗中諸部斷邪鬼王斗中行典樂王女斗中扶最消灾真人斗中降魔收魔等神王斗中度厄益算童子斗中左右將軍斗中左右力士斗中左右功曹斗中天騎甲卒斗中左右天兵斗中左右使者斗中天丁力士斗中神兵星中

道士星中仙人星中真人星中吏兵已上八部大衆總二百五十二等計二千一百九十一萬九百五十八人若弟子有供獻之時為國禳灾並請班次入座誠心敬禮

北帝曰吾鄴都玄妙之旨大力神王黑色形狀能上消天灾辟五兵戰戰之厄臨陣存之及能祭醮堅持讀誦兼行符印破邪妙音依科朝拜伏地存想並黑衣朱冠持刀把戟弓箭戈鉞入于座中啓無不應響起作禮

北帝曰啓呪之時皆稱本職小兆臣謹啓闕座壇中內外天帝真人十極丈人仙人金剛神王黑帝將軍大威力魔王北極鄴都羅山六洞天三元六曹主者部落及七元斗中大神小兆臣受法之日與

北帝三官有約動止思存內以治身外將救物心存真氣降福消灾糾禁嚴約不敢妄行猶思自庸贊揚感化廣為天人凡有請禱不敢抑絕今為國土灾疫或軍戎亂行狂夫侵野當今陽九數訖百六灾興求告玄司敬薦湯膳消灾解厄安國寧家願

北帝王三十萬兵功曹神將六甲將軍玉童玉女直日旬吏直符使者降下所請天仙大聖三五將軍八萬力士三部將軍斗繫斗刺結斗伐斗煞璣璣却敵左右大將軍繫刺銷灾殺伐散禍扶命解厄諸將入小兆臣身中隨逐覆蓋為國為家上消天灾下散地禍水火殃害百毒瘟疫千精萬鬼揚兵戰戰並請度脫

北帝曰北極殿上有高上玉皇紫微帝君仙都使者九天僕射能降世間一切灾害水火刀兵若有國土男女之人有刑害在北斗貪狼星中者願請陽明尊神府君為解而度之若國土男女之人有灾厄妖害在北斗巨門星中者請陰精星尊神為解而度之若國土男女之人有灾厄刑煞在北斗祿存星中者請真人君為解而度之若國土男女有刑厄在北斗文曲星中者請玄冥君為解而度之若國土男女有灾厄在北斗廉貞星中者請丹元君為解而度之若國土男女之人及分野之中有刑厄在北斗武曲星中者請北極

君為解而度之若國土男女之人有刑无在北斗破軍星中者請天關君為解而度之水
火刀兵毒蟲猛獸願自消散庶得家國安寧
存亡慶泰上藥靈丹永除灾疫長生久視北
辰之力不可思議

北帝曰下元生人動止常行此道吾將斗中
真人三台輔弼侍其衆聖下降人間救護生
人削死上生收魂養命斷絕死氣度免三灾
若國土方伯十善大臣國有妖灾之時鎮界
分野名山大澤皆當日行此道天龍下降力
士行兵陰陽二官俱來救護精懇志意至女
見形能令兵戰自消天下安靜爾時

北帝說是語訖告諸來衆勤行念之見世獲
福愆尤解散善結緣生功成道合昇入無形
自然與真極以同羣共上仙而接手救護之
法濟度為先以偈頌曰

願念憑香信飛烟覆紫庭一心隨丹志玄
天降綠耕怨罪除萬劫福報遂千齡南宮
注生祿北府落死名冤冤安官脯開氣得
清寧神通駕太玄妙跡昇上清九祖輪天

闕人自保長生啓請心虔切精思感玉衡
北帝曰此名神兵護國經若有國土灾迭但
當持念兵賊銷亡三光朗燭若家有衆邪疫
癘治生退散但當轉念醮祭靈官無不感應
若轉經之時神兵下降如道場有恐懼燈
影亂搖動如風此即神兵下降百惡迸散爾
時座中諸大力士真人玉女九土真靈聞護
國真經普皆踴躍發無上心願將來之世有
說我形像等名字皆赴是人心志救度灾疾
令家國清寧功德成就一切衆生同證無為
之道演法將畢稽首奉行



誦經玄訣按誦經之法當潔淨為壇上設
北極紫微大帝高案面南東設天蓬翊聖
二案面設天猷佑聖二案五案隨方制五
色小旗酒果齋中布燈壇四角設四天王
牌鎮壇祿米剪刀鏡秤燈盞茶酒果供西
北方上設誦經高案早起請法師先發文
字闕啓隨意誦經禮懺午後却依科建壇
陞座誦經至晚設醮圓滿若敬信善人只
於本家嚴潔設立五案精心持誦亦好務
在誠敬奉持不宜怠慢